




Broj: 04-07-26-12953-1/11  
Sarajevo, 12. 01.2012. godine

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM**



**PREDMET:** Odgovor na poslaničko pitanje - dostavlja se

**Veza:** Vaš akt broj:01/a-50-1-15-15/11 od 13.12.2010. godine.

Postupajući u skladu sa članom 155. stav 3. Poslovnika Predstavničkog doma Parlamentarne skupštine Bosne i Hercegovine po vašem dopisu, broj i datum veze, u vezi poslaničkog pitanja poslanice Aleksandre Pandurević koje glasi :

„Molim da mi se pojasni situacija oko izvršenih internih premještaja u Ministarstvu pravde BiH, jer je očigledno da su interni premještaji vršeni selektivno i da su istim oštećeni samo pripadnici jednog naroda. Zanima me zašto su vršeni interni premještaji i po čijim naredbama a svi znamo da u Ministarstvu pravde BiH u proteklom mandatu, koji i dalje traje, nema srpskog kabineta koji bi mogao da zaštiti interese državnih službenika i zaposlenika srpske nacionalnosti?“, dostavljamo vam slijedeći:

### ODGOVOR

U Ministarstvu pravde Bosne i Hercegovine u 2011. godini izvršeno je šest internih premještaja državnih službenika i zaposlenika ovog Ministarstva. Osnovni razlog internog premještaja zaposlenih lica jeste da se odgovori potrebama posla, a kadrovi rasporede na radna mjesta na kojima mogu dati puni doprinos u izvršenju poslova i radnih zadataka iz nadležnosti Ministarstva pravde BiH.

U postupku internog premještaja u cijelosti je ispoštovana procedura propisana Pravilnikom o uslovima i načinu obavljanja internih konkursa, internih i eksternih premještaja državnih službenika u institucijama Bosne i Hercegovine (“Službeni glasnik BiH”, br. 62/10) (u daljem tekstu: Pravilnik). Napominjemo da su prilikom internog premještaja cijenjene prvenstveno potrebe rada a u odnosu na stručnost i sposobnost za kvalitetno obavljanje poslova, a što su premješteni državni službenici i zaposlenici u ovim slučajevima u potpunosti ispunjavali. Pored navedenog posebno su se imale u vidu sve restrikcije i mjere štednje kada su u pitanju finansijska sredstva koja bi bila potrebna za povećanje efikasnosti rada Ministarstva pravde BiH prijemom novih državnih službenika i zaposlenika, dok se internim premještajima povećava efikasnost obavljanja poslova sa jednakim kapacitetima iskorištenim na najoptimalniji način bez povećanih troškova.

Mišljenja smo da internim premještajima nisu oštećeni pripadnici bilo kojeg naroda, niti kao zaposleni niti po nacionalnoj pripadnosti jer su sva premještena lica zadržala svoje stečene statuse. Da se u ovom slučaju ne radi o šteti pripadnika nijednog naroda potvrđuje i podatak da su od šest interno premještenih zaposlenika dva Bošnjaka, dva Srbina, jedan

Hrvat i jedan Ostali. Konkretno neposredni rukovodilac pripadnicima srpskog naroda do premještaja bio je pripadnik bošnjačkog naroda, a poslije premještaja neposredni rukovodilac je pripadnik srpskog naroda. Naprijed navedeno jasno upućuje na konstataciju da je cilj premještanja bio izvršiti što kvalitetniju preraspodjelu kadrova u skladu sa potrebama rada a ne nanošenje štete zaposlenim.

Inicijativu za interni premještaj u ovim slučajevima pokretali su rukovodioci organizacionih jedinica i sekretar ministarstva, a konačnu odluku (rješenje) donosio je ministar pravde BiH uz saglasnost Agencije za državnu službu kako je i propisano u članu 21. stav (2) Pravilnika. Pravni osnov za navedeno postupanje sadržan je u članu 32. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 23/07, 43/09 i 8/10) za državne službenike, a za zaposlenike u članu 9. Zakona o radu u institucijama Bosne i Hercegovine („Službeni glasnik Bosne i Hercegovine“, broj 26/04, 7/05, 48/05 i 60/10), te članu 47. Pravilnika o unutrašnjoj organizaciji Ministarstva pravde Bosne i Hercegovine broj: 01-02-3-14575/08, od 04.12.2008. godine.

S poštovanjem,



**MINISTAR**

**Bariša Čolak**

**DOSTAVITI:**

- Naslovu
- a/a